

MUSEO ARQUEOLOGICO POR FIN LO BAY HAYA EDIFICIO NOBO

ORANJESTAD (AAN) - Dia 18 di Mei, esta mañan, ta celebra "Dia Internacional di Museo". Durante tempo largo, aña afo aña aden, empleadonan di Instituto di Cultura, a acerca gobierno presenta diferente proyecto pa nan haya un edificio adecua pa Museo Arqueologico. Pa un of otro motibo, nunca e proyecto aki a concreta te cu e aña aki, cu aparentemente tin un speranza grandi cu Hulanda lo financia e compra di e cas di e Rumannan Ecury.

Actualmente e instancianan concerni ta den reunion y tur cos ta indica cu e posibilidad aki ta den bon caminda, despues di hopi tempo cu no tabata tin un noticia bon al respecto awor ta parece cu si, un bon lugar pa Museo Arqueologico lo bira realidad. Aworaki Museo Arqueologico ta funciona den un local demasiado chiquito, unda ya no tin caminda pa pone material, y si nan no haya e gebouw nobo mas pronto posibel, podise pa otro aña lo no tin excavacion mas, pa falta di espacio pa pone mas pieza historico.

EXCAVACION: Na September proximo, semper en coordinacion cu Hulanda, lo tin mas trabao di

excavacion geologico na Aruba. Lo bini e biaha aki un Arqueologo di Paris, uno di University of Maine di Merca, y probablemente un Arqueologo Cubano tambe. E excavacion aki tabata planea pa Juni awo, pero pa cuestion di hospedaje cu a resulta masha dificil mes den e temporada ey, a worde cambia pa September. Un total di mas of menos 10 persona lo bini, y nan mester di un lugar grandi, y manera tur hende sa, huur di apartament ta birando hopi caro.

E biaha aki e principal sector di excavacion ta na Tanki Flip, entre otro, segun DIARIO por a compronde di fuente na haltura, cu ademas a indica cu tanto Hulanda como UNOCA a aproba e plan, di manera cu e financiamiento tey caba.

EXPOSICION: Museo di Arqueologia lo bay organiza un exposicion di Geologia, cu un varidad grandi di piedranan di Aruba, riba cual proyecto nan ta trahando, y ora DIARIO tin e fecha concreto lo anuncia esey.

INTERES ACADEMICO: E interes di parti di muchanan di school pa bishita nos Museo Arqueologico a aumenta masha hopi mes. Esaki tin di

haber cu durante e ultimo añanan schoolnan a muestra mas interes academico riba e temanan di historia di Aruba y origen di su cultura. Tin hopi mucha di 6de klaas cu, specialmente prome cu aña escolar caba, ta bishita e museo y ta pone atencion na e splicacionnan relaciona cu e piezanan arqueologico.

DIARIO tin entendi cu prome cu fin di curso e aña aki ya caba tin hopi peticion di schoolnan pa bishita nos museonan.

PRONTO LO CONTA

Dairio. - (17 mei 1994)

CU BUKI: Manera DIARIO a relata den diferente oportunidad, Museo Arqueologico tabata trahando riba e confeccion di un buki cu contenido historico di Aruba. Actualmente e ta worde imprimi na Hulanda, cu entre otro, ayudo di UNOCA. E mester tabata cla na April, pero el a tarda un tiki, pero na Juni awor e ta completamente cla. E ta un buki pa publico en general, na prome instancia skirbi na Ingles, pero cu intencion di traducie na Papiamentu.